



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87 Ա

23.նոյեմբերի.2021թ.

Ո Ր Ո Շ ՈՒ Մ No. 3239-Ա-1

Վարչական ակտն անվավեր ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով ֆիզիկական անձ Պավել Նիկոլայի Աֆոնինի վերաբերյալ 19.11.2021թ-ին կայացված «Չկատարված հարկային պարտավորությունները գանձելու մասին» թիվ 3239-Ա որոշումը և վարչական վարույթի նյութերը.

Պ Ա Ր Զ Ե Ց Ի

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ 37675/2021/ԿՈՒՎԿ/Ա արձանագրության՝ ֆիզիկական անձ Պավել Նիկոլայի Աֆոնինի (ՀՎՀՀ՝ 26587397, ՀԾՀ՝ 2214830715, հասցե՝ ք.Երևան, Քանաքեռի 2-րդ փող., 2-րդ նրբ., թիվ 4) չկատարված հարկային պարտավորությունը 07.09.2021 թվականի դրությամբ կազմել է 158.717 ՀՀ դրամ, որից հարկ՝ 150.300 ՀՀ դրամ, տույժ՝ 8.417 ՀՀ դրամ:

Հարկային պարտավորությունը առաջացել է ՀՀ ոստիկանության «Ճանապարհային ոստիկանություն» ծառայությունից ստացված շարժական գույքի և դրա նկատմամբ գրանցված իրավունքների վերաբերյալ տեղեկությունների համաձայն՝ ֆիզիկական անձ Պավել Նիկոլայի Աֆոնինի կողմից 03.03.2020 թվականին օտարվել է 24.12.2019 թվականին ձեռք բերված HOWO SINOTRIK ZZ3257N3847A մոդելի 2011 թվականի արտադրության 336 ձիաուժ հզորությամբ տրանսպորտային միջոցը, որի պայմանագրային արժեքը կազմել է 15.030.000 ՀՀ դրամ:

Ֆիզիկական անձ Պավել Նիկոլայի Աֆոնինի կողմից իրականացված նշված գործարքի մասով 2020 թվականի հարկային մարմին եկամտային հարկի և սոցիալական վճարի տարեկան հաշվարկ օրենքով սահմանված ժամկետում չներկայացնելու, ինչպես նաև հարկերը չվճարելու հետևանքով 19.11.2021թ. ՀՀ ՊԵԿ իրավաբանական վարչության պետի կողմից կայացվել է «Չկատարված հարկային պարտավորությունները գանձելու մասին» թիվ 3239-Ա որոշումը, համաձայն որի գանձման ենթակա օրենքով սահմանված ժամկետում չկատարված հարկային պարտավորությունը կազմել է 158.717 ՀՀ դրամ, որից հարկը՝ 150.300 ՀՀ դրամ, տույժ՝ 8.417 ՀՀ դրամ:

Հաշվի առնելով այն հանգամանքը, որ թիվ 3239-Ա որոշումը կայացնելուց առաջ՝ 17.11.2021թ-ին ֆիզիկական անձի կողմից ներկայացվել է 2020 թվականի եկամտային հարկի և սոցիալական վճարի տարեկան հաշվարկը, ուստի առկա են բավարար հիմքեր նշված որոշումն անվավեր ճանաչելու համար:

Ելնելով վերոգրյալից և ղեկավարվելով ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ 1-ին մասի „բ,, կետով և 65-րդ հոդվածով.

Ո Ր Ո Շ Ե Ց Ի

Ֆիզիկական անձ Պավել Նիկոլայի Աֆոնինի / ՀՎՀՀ՝ 26587397, ՀԾՀ՝ 2214830715/ վերաբերյալ 19.11.2021-ին կայացված «Չկատարված հարկային պարտավորությունները գանձելու մասին» թիվ 3239-Ա որոշումը ճանաչել անվավեր:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ

Կադր.' ԻՎ հարկադիր գանձման
պարտավորությունների կատարման
ապահովման բաժնի
գլխավոր մասնագետ
Վ.Ավետիսյան,
Հեռ. 011.54-91-91/9148/